

詩計雞

律然

武庫

萬物

後集



雞

肋

趙崇絢
撰

中
華
書
局

雞肋

余嗜書如飮中之蠶魚。讀書如瀛莫之護。靈性根弗靈。無彊記能。實一編於几硯間。隨筆錄之。久而成卷。以類抄聚。其可去者十一。亦有可觀者焉。別爲一卷。名曰雞肋。古汴趙崇綯元素云。

從理入口自有重瞳之異

漢周亞夫從理入口。竟以餓死。南史有水軍都督褚羅。面甚尖危。從理入口。竟保衣食而終。舜目重瞳。項羽亦重瞳子而死。垓下。隋魚俱羅目有重瞳。爲煬帝所忌。斬東都市。

羊侃勇力

南史羊侃。膂力絕人。所用弓至二十石。馬上用六石弓。嘗於兗州堯廟。踰壁直上至五尋。橫行得七跡。酒橋有數石人。長八尺。大十圍。侃執以相擊。悉皆破碎。少時仕魏爲郎。以力聞。魏帝嘗謂曰。郎官謂卿爲武。豈羊質虎皮乎。試作武狀。侃因伏以手扶殿。沒指。後歸梁。高祖幸樂游苑。侃預宴。時少府奏新造兩刀。稍成長二丈四尺。圍一尺三寸。帝令賜侃。試之。執稍上馬。左右擊刺。特盡其妙。觀者登樹。帝曰。此樹必爲侍中折矣。俄而果折。因號稍爲折樹稍。侃性豪侈。姬妾列侍。僮人張淨。琬腰圍一尺六寸。能掌上舞。又有孫荆玉。龍反腰帖地。銜得席上玉簪。

肉飛僊

北史沈光仕隋太子勇引署學士。驍捷踴弛。禪定寺中幡竿高十餘丈。適值繩絕。非人力所能及。光因取索口銜拍竿而上。直至龍頭。繫繩畢。手足皆放。透空而下。以掌拓地。倒行十餘步。觀者嗟異。時人號爲肉飛僊。

蕭簪惡見婦人

南史梁王蕭簪尤惡見婦人。相去數步。遙聞其臭。經御婦人之衣。不復更着。

劉邕嗜瘡痂

南史劉邕。嗣南康郡公。性嗜瘡痂。以爲味似鮫魚。嘗詣孟靈休。炙瘡痂落床上。邕取食之。靈休大驚。邕答云。性之所嗜。靈休瘡痂未落者。悉褫取以飭邕。邕既去。靈休與何昺書曰。劉邕向見噉。遂舉體流血。南康國吏二百許人。不問有罪無罪。遞互與懷瘡痂。常以給饌。

到彥之初檐羹

南史到彥之初以檐羹自給。後以功至南豫州刺史。封建昌縣公。

婦人有鬚

唐李光弼母有鬚數十長五尺許。封韓國太夫人。二子光弼封臨淮郡王。光進封武威郡王。皆爲名將。死葬長安南原。將相奠祭。凡四十四幄。

男子乳生踵

後漢李善，本南陽李元蒼頭。元家疾疫相繼死，惟有孤兒續，始生數旬，諸奴婢欲殺續分財，善潛負續逃，親自哺養，乳爲生渾。唐元德秀，兄子撻，擯喪親，無資得乳媼，乃自乳之，數日渾流，能食乃止。

累世有列傳

晉呂虔有佩刀，工相之以爲必登三公，可服此刀。以與王祥，祥臨薨，以刀授弟覽曰：「汝後必興，足稱此刀。」覽後奕世多賢才，覽孫導至十一世孫褒，歷兩晉宋齊梁陳後周，凡七十餘人，皆有列傳。如羲之、徽之、弘、僧達、曇首、僧綽、僧虔，皆有孫裔。此史傳所無也。若河東裴十代有傳，非一祖流傳。又晉謝氏及南史江氏，亦數代有傳，皆不及也。

千里駒

漢劉德

魏曹休

晉傅咸

劉曜

符朗

宋張敷

梁蕭暕

王規

劉杳

王茂

任昉

齊丘仲孚

袁昂

北魏李孝伯

袁躍

北齊馮翊

王潤

崔昂

元文遙

後周杜果

隋張乾威

唐李昂

成王千里

知囊

史記秦檜里子號□□，漢馮錯以辯號□□。東漢魯匡，王莽時爲義和有權數，號□□。晉宣帝舉兵廢曹

難助

爽桓範出赴爽。宣帝曰：□□往矣。杜預號：□□。

八達

魏曹爽傳：李勝明帝時，人曰勝堂有四窗，□□各有主名。諸葛誕八人，號□□。晉光逸與胡母輔之、謝鯤、畢卓等八人裸袒酣飲，謂□□。晉宣帝兄弟八人俱以達爲字，時號□□。

萬石君

漢石奮號□□。馮揚宣帝時爲弘農太守，八子皆二千石，號□□。東漢秦彭與羣從同時爲二千石者五人，三輔號□□。秦氏、唐、張文瓘、高宗時爲侍中，四子皆至三品，人謂之萬石張家。又西漢嚴延年兄弟五人皆至大官，東漢號其母曰萬石嚴姬。

佩六印

蘇秦□□國相。漢五利將軍□□，謂五利、天士、地士、大通、天道五將軍，樂通侯。凡六印。戰國犀首亦佩五國相印。唐王忠嗣爲河西隴右節度使，權朔方河東節度使，佩四將印。

喫酒救火

後漢樂巴□□成都。郭憲□□齊國。晉佛圖澄□□幽州。

水鏡

蜀龐德公以司馬德操爲□□。晉衛瓘奇樂廣曰：此人之□□。北史蔡大寶見柳莊嘆曰：襄陽□□復在。

於茲。

撲鏡

魏夏侯惇爲流矢傷左目。每照鏡悲怒。輒□□於地。蜀張裕曉相術。每舉鏡。自知刑死。未嘗不□□於地。吳孫策殺于吉。後被創方差。引鏡自照。見吉在鏡中。因□□大叫。創裂而死。

倒用印

唐朱泚僞連天子段秀實□□司農□以追其兵。五代劉皇后遣人殺郭崇韜。李崧□□都統□以定人心。

大人跡

史記始皇時有□□見臨洮。脚□六尺。漢武帝求神僊。公孫卿至東萊。言見□□長數丈。□甚大。魏咸熙二年。□□見襄武縣。□長三尺二寸。唐則天長安元年。司刑縣囚僞作□□□五尺。改元大足。

發臂善射

漢李廣

吳太史慈

前趙劉曜

後唐李存孝

垂手下膝

蜀先主 晉武帝 後周太祖 陳武帝宣帝 前趙劉曜 秦苻堅 後秦姚萇 南燕慕容垂 五代南漢劉龔 蜀王衍 南史陳柳皇后皆□□□□。又北魏李祖昇。南史宋王元初。隋劉元進。手垂過

膝皆以誅死。

口吃人

韓非 司馬相如 揚雄

周昌

魯恭王

魏明帝

鄧艾

宋孔顗

後周盧柔

鄭偉

隋盧楚

唐李固言 南唐孫盛

古人嗜好

文王嗜菖蒲 武王嗜鮑魚

吳王僚嗜魚炙

屈到嗜菱

曾皙嗜羊棗

公儀休嗜魚

王莽嗜鰓

魚 王右軍嗜牛心

宋明帝嗜蜜漬鱖鯪

齊宣帝嗜起麵餅鴨臠

高帝嗜肉膾

陳後主嗜鱸肉

齊蕭穎胄噉白肉膾至三斗

後魏辛紹先嗜羊肝 唐陸鴻漸嗜茶

魏明帝好槌鑿聲

夢筆

江淹

五色 王珣 人與大 如椽

紀少瑜嘗 陸倕以一束青縷 授之

唐李嶠 人遺之

雙 李白 生花

軍中有女子

梁湘東王嘗出軍有人將婦從者王曰才愧李陵未能先誅女子將非孫武遂欲驅戰婦人徐君蒨爲諮議參軍幼聰朗應聲曰項籍壯士猶有虞兮之愛紀信成功亦資姬人之力北魏太武令古弼征馮弘

高麗救軍至弘令婦人被甲居中其精卒及高麗陳兵於外遂東奔高麗唐韓弘惡李光顏忠力思有

以抗饁之。乃飾名姝遺光顏。光顏大合將校。置酒。使者引侍姝至。秀曼都雅。一軍驚視。光顏徐曰。我去室家久。以爲公憂。誠無以報德。然將士皆棄妻子。蹈白刃。柰何獨以女色爲樂。厚賂使者遣之。將卒感激。王智興破姚海。獲美妾三人。智興曰。軍中有女子。安得不敗。卽斬以徇。隋文帝以韋孝寬爲元帥。擊尉遲迥。孝寬有疾。每臥帳中。遣婦人傳教命。唐柴紹吐谷渾黨項寇邊。敕紹討之。虜獫高射紹軍。紹安坐遣人彈琵琶。使二女舞。虜疑之。休射觀紹。伺其懈。以精騎衝擊。虜大潰敗。

古人酒量

漢子定國爲廷尉。食酒至數石不亂。冬月治請讞。飲酒益精明。鄭康成飲酒一斛。盧植能飲一石。晉周顗飲一石。劉伶一石五斗解醒。前燕皇甫眞飲石餘不亂。後魏劉藻一石不亂。南齊沈文季飲至五斗。妻王錫女飲酒亦至三斗。對飲竟日。而視事不廢。鄧元起飲至一斛不亂。北史柳謩之飲一石不亂。陳後主與子弟日飲一石。孔珪飲酒七八斗。

漢兩張禹

前漢張禹。字子文。成帝時爲丞相。封安昌侯。後漢張禹。字伯達。和帝時爲太傅。安帝時以定策功。封安鄉侯。

晉兩劉毅

一字仲雄。公正峭直。武帝時爲尙書左僕射。一字希樂。與劉裕起義兵討桓玄。爲豫州刺史。

唐兩李光進

其先皆蕃部人。皆爲名將。建節鉞。一乃光弼之弟。一乃光顏之兄。

玉環

明皇雜錄。唐睿宗所御琵琶曰□□。楊貴妃小名曰□□。

玉樓

李賀爲白□□記集僊傳。王母所居龜臺有□□十二。又道家以兩肩爲□□。故坡詩凍合□□寒起栗。光搖銀海眩生花。

銀海

道家以目爲□□。乾牒子裴鉞大宴有□□。受一斗。飲器也。

白鳥

陸機詩疏。鷺謂之□□。夏小正閏納謂之□□。

玄駒

爾雅云。駒。小馬也。夏小正謂蟻曰□□。古今注謂黑鯉爲□□。

夜光

鄒陽傳。□□之璧。古今注。螢火一名□□。淮南子。月名□□。

司花女

南部煙花記。煬帝令袁寶兒持花號□□□。續僊傳。鶴林寺杜鵑花開。有紅裳女子遊花下。謂殷七七曰。妾久司此花。今爲道者開之。

繞梁

列子。韓娥歌音□□。樂書。□□。樂器也。與簫篴相似。宋武帝大明中。沈懷遠爲之。懷遠亡。其器亦絕矣。又楚莊王琴名□□。

莫難

古今注。□□珠色黃。將東夷。鄴中記。扇之奇巧者名□□。

小蠻

白樂天詩。楊柳□□腰。卽白公侍兒也。若晚春酒熟。尋夢得云。還攜□□去。試覓老劉看。卽酒榼也。

忽雷

洽聞記。鰐魚一名□□。樂府雜錄。文宗朝。內庫琵琶號大□□。小□□。